

錦里新編

上冊

〔清〕張邦伸撰

錦里新編

上冊

巴蜀書社

〔清〕张邦佖
撰

锦里新编

上册

〔清〕张邦伸
撰

锦里新编

下册

巴蜀书社

一九八四年·成都

锦里新编（上下册）

〔清〕张邦仲撰

巴蜀书社出版

地址：成都市盐道街三号

四川省新华书店发行

一九八四年十二月第一版

一九八四年十二月第一次印刷

全书两册 定价：七元八角

书号：一二三一九·三

出版说明

《锦里新编》记清代蜀中人物时事，为清代张邦伸所撰。所载人物断自清初，其已见明史或科第系前代者概未收录。分列十四门，首名宦以嘉循吏，次文秩、武功、儒林以诒乡贤，次忠义、孝友、节烈以重敦伦，次流寓、异人、方伎、高僧以表异行，次贼侵、边防以慎戍守，终异闻以见山海大荒，于史志不实不足之处，拾遗补阙，匡正谬误。博学鸿儒，逸才女子，其著述皆列举书名，格调高雅之诗作间亦采录。《锦里新编》有学术研究参考价值，为县志编纂者必不可少之参考书，亦为研究四川文学、历史及其它方面不可或缺之参考书。

张邦伸字石臣，号云谷，四川汉州（今广汉）人。清乾隆二年（公元一七三七）三月初八日生，嘉庆八年（公元一八〇三）十一月二十五日卒，享年六十有七。乾隆二十四年（公元一七五九）己卯科举人，会试中大挑一等。历任河南襄城、固始知县，政理

民和，体恤下情，有政声。以母疾告养，力辞归田，从事著述，督课子弟。与罗江李调元过从甚密，李以其女妻邦伸次子怀淮。好为诗歌，有《云谷诗钞》八卷行世。著有《唐诗正音》十卷、《明诗七律选》二卷、《排律韵荅》四卷、《西园唱和集》一卷、《汜南诗钞》四卷、《全蜀诗汇》十二卷。于文史地理造诣亦高。著有《锦里新编》十六卷、《光郡通志》六十八卷、《固始县志》二十六卷、《热河纪行草》一卷、《绳乡纪略》十二卷、《云栈纪程》八卷。其它著述有《维桑集》十卷、《地理正宗》八卷、《云谷文钞》四卷、《庆诞录》一卷。

《锦里新编》据四川省图书馆藏清嘉庆嵇峨周氏敦彝堂藏版影印。

巴蜀书社编辑部

一九八四年六月

嘉慶庚申夏鐫

錦里新編

敦彞堂藏板

序

錦里新編者紀蜀中人物時事而作也蜀居華夏之坤號稱天府岷峨江漢載育其英漢唐以來原爲人文之藪自明季兵燹摧殘益都又獻掃地盡矣我

朝定鼎百有餘年

列聖相承經文緯武教澤覃敷凡沐昇平之化者莫不爭自濯磨以爲

熙朝之俊父蜀雖僻壤其間忠臣義士孝子烈婦以及高人仙釋之流可信可傳者所在多有倘不登諸簡冊以爲異日考證之資不幾久而就湮無以彰

景運昌明之盛乎伸端居多暇爰就所聞彙而輯之列爲十四
門首名宦嘉循吏也次文秩武功儒林誌鄉賢也次忠義孝
友節烈重敦倫也次流寓異人方伎高僧表異行也次賊寇
邊防慎戍守也終以異聞見山海大荒怪怪奇奇無所不有
雖無關於政典要亦雪夜談所不廢也惟是蜀疆數千里
加以徼外蠻陬苗戎各部更極萬里而遙山川既曠耳目難
周以一人之知識而欲括通省之菁華得一遺九掛漏實多
昔左太冲欲作蜀都賦訪之張孟陽構思十稔而後成楊升
菴修蜀志參閱既多又得王舜卿楊實卿兩太史以爲之助
而後典核詳明足以傳世行遠是編採錄皆近時人事既無

書籍可考又不能徧歷疆宇以擴其見聞故所載從畧然近
山者知木近水者知魚仲蜀人於三巴佚事聞見較真雖謫
陋荒紕要可作方言之嚆矢卽有笑爲井蛙之見者亦所不
恤也惟識者鑒之時

嘉慶五年歲在庚申夏四月二十一日廣漢枯桿居士張邦
仲自識

錦里新編卷之首

凡例

一 此編所載人物斷自 國初其已見明史或科第係前明者槩不收錄蓋我 朝菁莪棫樸之化百有餘年多士克生蒸蒸日上盛原不必借材于異代也

一 名宦係蜀省賢員有已附 國史館立傳者有未立傳者均與廉叔度趙清獻諸君子並堪不朽茲就懋績循聲膾炙人口及身所親見者畧誌大端以示景慕其有政績可傳而籍貫科名以暨陞遷事故俱不及知者亦只俟諸他日採輯另補恐失真也

一是編發潛德之光書善不書惡從誌銘體也然必蓋棺論定始可立傳若其人尙在雖德業事功照人耳目亦應觀其晚節不敢濫入簡端

一紀事必真方可信今傳後袁子才威信公傳載公父昇龍因平吳逆功累遷四川提督查通志昇龍係由天津衛總兵征噶爾旦有功康熙三十六年擢四川提督是時吳逆早平並無南征之事袁悞又彭樂齋玉吾公傳賊黨赫成裔寇川南查李國英平沉黎賊係郝承裔見八旗通志彭說郝承爲赫成亦悞又衛藏圖考載番將芥熱查新唐書韋臯傳係大相論莽熱字跡稍錯別風淮雨貽悞實多茲

駁從更正不敢蹈襲前訛致滋指摘

一明末楊展恢復嘉眉賊將劉文秀不敢南顧又逆獻賊于彭山江口縱火焚燒獻賊僅以身免遁走西充保蜀之功實爲第一乃沅撫李乾德同時備賊因挾小嫌嗾袁武殺之東南諸將如王祥曾英輩俱失所依倚長城自壞咎將誰歸後文秀再至川南袁武降賊乾德情急投江實由自取還志於忠義中載乾德而不爲楊展立傳褒貶全失茲武功載楊展而于乾德削而不錄所以別賢奸也

一明史甲申冬十一月庚寅獻忠卽僞位僭號大西國王改元大順向喬海史詠彭丹溪蜀碧俱載獻忠於甲申八月

十六日僭位改元與明史異按向彭皆蜀人彭玉吾身經
離亂禦寇有功其子孫俱能言之畜海猶親見十三家賊
黨談及亂蜀時事則八月十六日僭位之說必有可據至
平吳逆于苗平金川西藏莫詳於三藩紀事及四川通志
平金錄衛藏圖說諸書茲則祇一門多從數書中纂集以
其信而有徵也

一邊防爲軍國要務採輯不厭其詳因取廿一史名勝志方
輿紀要四川通志等書撮集成篇復取我朝平定邊夷
各方畧列於後俾覽者咸知聖朝威德遠及遐荒實爲
前代所未有而闕塞之險要兵制之精詳附見於中更可

備籌邊之策或于軍國不無小補云

一異聞就蜀中所見所聞書也事雖離奇實非誕妄近日紀曉嵐槐西雜志潞陽消夏錄袁子才子不語新齊諸王械秋燈叢話徐崑山柳崖外編等書率多類此然亦有空中樓閣借以寫其胸中不平者蓋才人抑鬱之氣幻渺之思無所不至往往託神仙鬼怪以顯其奇界也茲編以紀事爲主其全屬子虛者槩從刪削惟共聞共見而爲世所不常有者始書之以志不忘至題目兩兩相對亦隨筆爲之商文毅云天地間無物無對理本如是非徒誇花樣之新也

一全蜀人物甚廣有遠而不及知者有知而不得其詳者事闕纂記不敢臆爲揣摩倘同志君子以其所知郵寄寒齋以助不逮尤私心所厚望也

一是集初名錦里新聞後閱唐時書目亦有是名係段成式寓成都時作雖所載不盡蜀事而流傳已久自不便仍襲前稱致同勛說故易聞爲編以別之亦昔人益州記梁益記之類耳